

類

焦

類雋序

自漢時學士大夫以經術行
能相高不斷斷為瑣屑之學
即嗇夫以利口斥焉然貳負
見表於中山三觴流蹟於洛
水則不克以臆對而述家所

由興矣齊梁之君臣既務為
組織雕績不能運獨至之意
而一時風靡者大致有二應
制則巧遲敗於拙速徵事則
伸多勝於屈寡至博學宏詞
之科設於唐而其用益迫矣

故白氏賤之而其書曰白僕
僕者役使之也一曰白襍若
取以襍衣也然學士大夫往
往起田舍遠於金匱石室之
歲壯者役於生而晚者窘於
餘其力不能得之即得之矣

而東西南北朝夕之是逐夫
惠子之五車紛如而安能以
充後乘也故夫善類者猶之
乎善貨殖者也當其寡以多
之用也吾友鄭山人年三十
餘即厭經生業棄之而杜門

為古文辭吳中號闡闡詩書
山人多所假貸分畧而受之
輒成誦中年而其所為古文
辭稱於中原趙康王聞而聘
山人立談而賢之曰生非所
謂行秘書也耶趣授傳舍美

酒梁肉大殮已又曰生為我
成一書其槩若徐堅之初學
記歐陽詢之執文類聚已給
筆札頗出其所藏書每奏一
篇輒稱善會山人止游京師
即少師華亭徐公而語之故

徐公復大賢之曰此吾竊有志焉而未之逮也因謂山人採而唐以前毋略略惜其遺也宋而後毋廣廣惡其雜也寧稗而竒毋史而庸寧巷而雅毋儒而俚山人拜受教又

二十年而書成名之曰類雋
以所類靡匪雋者則康王久
捐國矣徐公亦謝首揆歸其
鄉而山人老開九襄然尚能
不廢其業一旦以屬余曰吾
業啓於趙嗣王已告成矣吾

子好為一家言以吾之不得
當也雖然其謂我何余謝不
敏則曰子書成而懈夫豪傑
之士以無事殫力於學則不
可然使途之人亦或盡染指
焉以立取而立應而無腐相

如之毫也則亦唯子之功謂

康王誠賢王矣劉孝標作類

苑而梁武以人主之重不能

見推搦顧集諸學士為華林

要略以高之康王不愛趙贄

與書以共山人筆札而成山

人名康王誠賢王也然聞國
學汪生不靳浩費鳩工登梓
以竟山人之志則山人之傳
藉是大且久矣詎曰小補之
哉

萬曆甲戌仲冬

賜進士出身嘉議大夫都察院
右副都御史奉

勅提督軍務兼撫治鄖襄三省
地方瑯琊王世貞撰

刻類集引

盡身山人其真情物君子哉余
束契補誥生嘗取白氏孔氏六
帖覽之而隄陽韓駒子翁稱為
富家儲材棟榱斲雪委山積
大匠得之則自用不究功用非

僅之也信哉今見山人新集出
自

指彙五秘莊山人善能運獨到
之見統上文地理人子而為海
於香巖學亦之名織芥心遠凡
三十卷合為一書子以類分也

此者操焉隨皆環語碎文誠括
取有氏之精善藝能世家之
味矣甫及稅業焉

京五指國遂為君車迄今秋會
其造紙乃以始末告於大中丞
洛陽指汝翁憐山人以希公焉

有此累年之十年用功矣
前君之君子深為稱許而未
竟也托余與都道法君為之
子夫中丞公文筆大家已當此
者之域願者求於進家為以人
童則海內學士大夫得而觀之

蓋將以重山人而善於不始如
韓子為所稱功用批僅一在是
其可少哉樂為梓之而居其工
於古學生汪生瑛汪生清源象
士能捐所賞遂經始焉善善曆
丙子歲蜡之月望之日也予樂其

成固并於首

賜進士第奉直大夫工部管糧
德吏司員外郎奉

勅督理沽酒磚廠並理甲產
明張大器書

類雋目錄

卷第一

天文類

天

日

月

星

雲

風

卷第二

天文類

雨

雷

電

露

霜

雪

電

霧

虹

霞

天河

卷第三

時令類

春

夏

秋

冬

元日

人日

上元

卷第四

時令類

社

寒食

清明

上巳

端午

夏至

伏

七夕

中元

中秋

重陽

冬至

臘

除夜

卷第五

地理類

地

山

石

泰山

衡山

嵩山

華山

恒山

終南山

塗山

廬山

太行山

首陽山

北邙山

鍾山

天臺山

羅浮山

九疑山

會稽山

會稽諸山

虎丘山

石帆山

石鼓山

石門山

太平山

交廣諸山

岷山

崑崙山

蓬萊山

卷第六

地理類

水

海

江

河

淮

濟

卷第七

地理類

浴

藻

涇

涓

湖

川

溪

泉

池

澗

澗

潮

井 氷

卷第八

夫族類

天子 太子 王

皇后 妃嬪 公主

國嬀 外戚 太子妃

宗室

卷第九

人倫類

宗族

父子

母子

祖孫

兄弟

妾媵

奴僕

卷第十

人品類

老

美丈夫

長大人

短小人

美婦人

賢婦人

不姤

烈婦

妬婦

淫婦

卷第十一

宮室類

都邑

殿

宮

堂

室

齋

閣

門

樓

亭

臺

宅

庖竈

厠

卷第十二

宮室類

城

市

道路

橋

關

鄉里

隣

館驛

廨

墻

倉廩

庫藏

苑囿

園圃

卷第十三

藝術類

醫

談命

說相

卷第十四

身體類

頭

面

口

齒

舌

唇

鼻

眉

目

耳

心

卷第十五

身體類

形貌

神彩

體態

魂魄

神

胸

膽

鬚

髮

手

足

臂

夢

卷第十六

衣服類

冠

冕

弁

幘頭

帽

巾

幘

裘

衫

深衣

襖

裙

袴

襪

屨烏

衣服

袍

衾被

卷第十七

衣服類

玉璽

印

綬

符

節

笏

珮

帶紳

帶鞞

玦

卷第十八

飲食類

肉

食

食物

饌食

餅

羹

醞

醬

脯

鮮

膾

炙

酪

蜜

菜

鹽

卷第十九

飲食類

飯

粥

米

茶

酒

卷第二十

器用類

舟

車

鼎

牀

帳

枕

筭

簾

帷

几

卷第二十一

器用類

席

屏風

杖

鏡

扇

燈

燭

火

香爐

卷第二十二

布帛類

錦繡

絲

織績

綸

綿

素

帛

練

絹

綺

羅

布

綾

絺絺

麻

卷第二十三

珍寶類

珠

玉

璧

金

琉璃

銀

錢

貝

寶

瑪瑙

珪璋

水晶

磬

卷第二十四

樂器類

鍾

鼓

琴

瑟

磬

簫

笙

箏

笛

琵琶

篳篥

簫

篳篥

角

笳

筑

拍板

缶

卷第二十五

釋道類

佛釋

仙

道

女仙

卷第二十六

花木類

梅花

杏花

桃花

李花

梨花

牡丹

芍藥

海棠

辛夷

酴醾

夜合

瑞香

梔子

萱草

葵花

木槿

榴花

芙蓉

紫薇

芙蓉

菊

薔薇

菖蒲

木蘭

蘭

芝

草

苔

萍

卷第二十七

花木類

總木

松

栢

梧桐

梓

槐

榆

楓

桑

柘

楸

椶樹

杉

檜
檉

椿

冬青

荆

棘

楊柳

楸

竹

椒

桂

卷第二十八

菓實類

杏

柰

桃

李

櫻桃

枇杷

楊梅

荔枝

梨

葡萄

胡桃

棗

石榴

栗

菱

柿

橘

柚

柑

瓜

芭蕉

芋蔗

卷第二十九

羽族類

鳳凰

鸞

鶴

鴈

鴻

孔雀

鷹

烏

鵲鳩

鳧

鳩

鳩鳩

鳴鳩

鴝鳩

隼

鷄

鶻

鷄

山鷄

鷩鷩

鷩

杜鵑

鷺

雀

鷓鴣

鶯

鷓鴣

燕

鷓鴣

鴛鴦

鶴

鷓鴣

鷓鴣

鷓鴣

鷓鴣

鷓鴣

鶉

卷第三十

毛族類

麒麟

獅

獅

虎

豹

犀

象

豕

駱駝

鹿

兔

猿

牛

馬

騾

驢

羊

犬

類集目錄終

類雋卷第一

勾吳虛舟鄭若

山東按察司副使古虞百棧鍾 敕



戶部陝西司主事西蜀少川王用楨

戶部福建司主事古粵礪山鍾昌

工部營繕司員外四明夢韓張大器 同閱

臨清州知州古完呂珩 校正

太學生汪珙校梓

天文類

天

柔克

書云高明柔克

非

易云在天成象垂象

天垂象見吉凶

行健

天行健

資始

萬物資始貞

觀

天地之道貞觀者也

乘陽

記云天乘陽虧盈

天道虧盈而益謙

老子云天得一以清正

色

莊云天之蒼蒼其正色耶持滿范蠡云天以

持滿

張弓

老子云

橐籥

莊云氣如橐籥

無端文

子云

無言

劉泊云天以無言為尊

無親

章玄素

云天道無親

不惑

柳公綽云

神君

九齡云天百

神之君

道用

禹錫云天道在生植用在強弱物

受命

道用

劉禹錫云天道在生植用在羸弱

物

始

黎幹云萬物之始天也人之始祖也

靈

顏

延年云思對上靈之心

乾棟

崔融云乾棟傾而

三光北馳

商盜

五代史云日中則昃盛衰必復

天吾知其虧益於物者矣

靈心

楊炯渾天賦云

靈心不測神理難筌

上玄

柳宗元天說云上而

玄者世謂之天

物祖

董仲舒傳云天者群物之

祖故徧覆包含而無所殊建日月風雨以和之

經陰陽寒暑以成之

陽精

春秋說題云天群陽

之精也合爲大一分爲殊名故立字一大爲天
不極正歷云天遠不可極**下濟**易云天道下濟
而光明地道卑而上行**欽若**書云乃命羲和欽
若昊天**無私**申子云天道無私是以恒正天常
正是以清明**氣升**物理論云水土之氣升爲天
濛鴻帝系譜云天地初起溟濛濛鴻**察時**易云
觀乎天文以察時變**作吏**淮南子曰四時天之
吏日月天之使星辰天之期虹蜺彗星天之怒
石補通鑑外紀云共工氏觸不周山天西北傾

女媧氏煉五色石補之**不規**文子云至大者無

形故天圓不中規**左旋**書傳云天統地左旋又

蔡邕月令章句云天左旋出地上而西入地下

而東統北極七十度**車蓋**九辨云仰觀天形如

車蓋**形色**劉禹錫云天形常圓而色常清**天運**

酉陽王格云天圓十二綱運關三百六十轉為

一周天運三千六百周為陽字**倚蓋**楊炯云天

如倚蓋**蒙晦**柳公綽云謂天高矣氛蒙晦之**天**

名爾雅云春為蒼天夏為昊天秋為旻天冬為

上天於春言色於夏言氣於秋言情於冬言位
相備也又楚詞云九天東方昊天東南陽天南
方赤天西南朱天西方咸天西北幽天北方玄
天東北變天中央鈞天又呂氏春秋云天有九
野中央曰鈞天東曰蒼天東北曰變天北曰玄
天西北曰幽天西曰皓天西南曰朱天南曰炎
天東南曰陽天又大玄經云九天一爲中天二
爲羨天三爲順天四爲更天五爲臘天六爲廣
天七爲成天八爲沉天九爲成天

天界

護命經

曰王曾王完何童平育文舉摩夷合六天爲欲
界又越衍濛翳恭華宗飄皇笳堂曜端靜恭慶
極瑤元載孔昇皇崖合十二天爲色界又極風
孝芒翁重江由阮樂曇誓霄度元洞妙成禁上
常融玉隆焚度賈奕合十四天爲無色界**天運**
後漢地理志注云經星二十八宿布於四方東
方蒼龍七宿其屬三十二星七十五度北方玄
武七宿其屬三十五星九十八度四分度之一
西方白虎七宿其屬五十一星八十度南方朱

崔七宿六十四星一百一十二度周天三百六十五度四分度之一每一度二千九百三十二里周天積一百七萬九百一十三里徑三十五萬六千九百七十一里天咫晉天文志云日去地常八萬里又曰地上去天八萬一千三百餘里又地理志地東西南北相去二億三萬餘里自地至天半八極之數又酉陽雜俎云自地至天十一萬餘里六氣左傳云天有六氣降生五味六氣謂陰陽風雨晦明七衡楚辭云圓天七

圓衡六間云天有七衡而云間者相去合十一

萬九千里

八柱

楚辭云八柱何當東南虧注曰

言天有八山爲柱

九閩

本草經云太一子曰天

九門中道最良日月行之名曰閩也

九關

楚辭

云蒐兮歸來無上天虎豹九關喙害下人

九重

又云天圓九重孰管度之注曰言天九重而圓

誰管度而知

十端

春秋繁露云天有十端天地

陰陽水土金木火人凡十端天亦喜怒之氣哀

樂之心與人相副以類合之天人一也

天體

混

天儀云天如鷄子天大地小天表裏有水地各乘氣而立載水而浮天轉如車轂之運**列闕**皇覽記云好道者言皇帝乘龍升雲登朝霞至列闕倒影經過**天宮****天元**張衡靈憲云太素之前不可爲象道之根也虛無生有太素始萌斯謂龐洪道之幹也萬物成體剛柔始分清濁異位天成於外而體陽故圓以動斯謂天元道之實也**天神**五經通議云天神之天者曰昊天上帝亦曰天皇帝亦曰太一其佐曰五帝東方青

帝南方赤帝西方白帝北方黑帝中央黃帝

四

笠 虞曷穹天論云天形穹窿如笠冒地之表浮

元氣之上譬覆奩以柀水而不沒者氣充其中

也 **華** 汲冢紀年曰懿王元年天再旦於鄭 **倚**

并 河圖挺佐輔曰百世之後地高天下不風不

雨不寒不暑民復食土皆知其母不知其父如

此千歲之後而天可倚杵 **兩** 神異經云東北

大荒中有金闕高千丈上有明月珠徑三丈光

照千里中有金階兩闕名天門 **閩** 離騷云吾

令帝闔開開兮倚闔闔而望予司馬相如云排

闔闔而入帝居**天巫**漢高祖致天巫祠八州及

中央**三家**晉書云古言天者三家一蓋天二宣

夜三渾天蔡邕上書言宣夜之學絕無師法周

髀考驗天象多所遠失惟渾天僅得其情立八

尺圓體如天之形以正黃道行日月步五星百

代不易**周髀**晉書云周髀即蓋天謂天如張蓋

旁轉左行日月右行隨天左轉如蟻行磨上磨

左旋蟻右却也**宣夜**晉書云宣夜學言天本無

質日月衆星自然浮生虛空之中

渾儀

唐天文

志云李淳風言漢洛下閎賈逵張衡皆作渾天儀其推驗久無黃道太宗因詔爲之七年始成表裏三層下據準基狀如十字末樹繫足以張四表

開雲

衛瓘傳云瓘見樂彥輔曰每見此人

瑩然若開雲霧觀青天

問辯

蜀志云吳使張溫

來聘問秦宓曰天有頭乎曰乃瞻西顧頭在西方溫曰天有耳乎曰天處高而聽卑溫曰天有足乎曰天步艱難溫曰天有姓乎曰姓劉其子

姓劉

授楚

左傳云公孫歸父會楚於宋宋人告

急於晉侯欲救之宗伯曰不可天授楚楚未可

與爭雖晉之疆能遠乎天

憂崩

列子云杞國有

人憂天崩陸身無所寄廢於寢食

貴天

說苑曰

齊桓公問管仲王者何所貴對曰貴天桓公仰

觀天管仲曰所謂之天者非謂蒼蒼莽莽之天

也君人者以百姓爲天

四術

賀道養渾天記曰

近世四術一曰方天興於王克二曰聽天起於

姚信三曰穹天闡於虞曷皆臆斷浮說不足觀

也唯渾天之事徵驗不疑**歟****莊**離騷注云跪歎

衽以陳詞注長跪布衽仰訴於天**蒼垠**陸士衡

云旌拂霄垠軌出蒼垠**稱高**曹子建云天稱其

高以無不覆**泰蒙**傳玄云天行一何健日月無

高踪百川皆赴海三辰回泰蒙**高冥**陸士衡云

疇昔同宴友翰飛戾高冥**九垓**司馬相如云上

鳴九垓注九重天也**渾元**班孟堅云渾元建物

注渾元天也**翠微**陸佐公云上連翠微注天邊

氣也**定檢**陸士衡云動循定檢天有可察注天

運有定分故可察也**九重**天問云圓則九重執

管度之**昭陽**傳玄云天時叅考昭陽清風起兮

景雲翔**太乙**郭璞云祭地肆瘞郊天致烟氣升

太乙精淪九泉**雲羅**李義山云玉璫緘禮何由

達萬里雲羅一鵬飛**慶霄**劉禹錫云慶霄在上

萬物五色

日

麗天易云日月麗乎天**太陽**說文云日實也太

陽之精**出地**文子云日出地上明照四海**羅耀**

真誥云方朱山真人皆呼日爲圓羅耀外國人
呼日爲耀羅**無虧**春秋元命苞云日尊故曰滿
滿故仁仁故明明故精在外曰滿者常盛無虧
也**氣圓**山海經云日之所入其氣圓注日月形
圓故氣象者圓也**宣明**張衡靈憲云日宣明於
晝納明於夜**隆照**尚書考靈曜云日光隆照注
隆盛也**陽母**春秋內事云日者陽德之母**火氣**
又云積陽之熱氣生火火氣之精者爲日**真明**
易云日月之道貞明者也**中易**易云日中則昃

白駒

莊子云白駒過隙言日影也又史記魏豹

傳人生如白駒過隙**寅賓**書云寅賓出日言迎

也**寅餞**書云寅餞納日言送也**師尹**書云師尹

惟日**陽祖**盧肇云日者陽之祖**黃道**前漢天文

志云日有中道中道者黃道一曰光道**纏天**後

漢書云日月經天**代明**傳云日月之代明**斯邁**

詩云我日斯邁而月斯征**未晞**詩云東方未晞

下土是謂**君臣**禮記五星傳云日之與月其陰

陽尊卑之辯若君臣然君居中而佚臣旁行而

勞臣近君則威損遠君則勢盛故月遠日則光
盈近日則明缺**時位**左傳云日有十時亦當卜

位注日中當王食時爲公平旦爲卿鷄鳴爲士
夜半爲皂人定爲與黃昏爲隸日入爲僚哺時
爲僕日昃爲臺**合度**唐一行云日月合度謂之

朔**日交**漢鄭興傳云日月之交數應在期**北南**

太玄經云日一北而萬物生日一南而萬物死

積變曆志云陰陽往來馴積而變日南至其行

最急急而漸損至春分及中而後遲迨日北至

其行最舒舒而漸益以至秋分又及中而益急

流珠

易叅同契云日爲流珠青龍之俱注曰爲

陽精爲流珠青龍東方少陽也

舒疾

王充論衡

云日晝行千里夜行千里駢駢晝行亦千里然

則日行舒疾與駢駢步相類

舒長

王符云化國

之日舒以長故其民間暇而力餘

信次

左傳云

日一宿爲舍二宿爲信過信爲次

旬浹

禮云十

日曰旬十二日曰浹

五色

禮斗威儀曰政理太

平則時日五色

疾

白虎通云日行遲月行疾

者何君舒臣勞也日月所以懸者何助天行化

昭明下地也

出入

爾雅云岨齊州以南戴日爲

丹穴東至日所出爲太平西至日所入爲太蒙

燭龍

山海經云鍾山之神名曰燭龍視爲晝瞑

爲夜吹爲冬呼爲夏又名白駒天不足西北故

有龍銜火精以照天門**欝儀**拾遺記欝華又名

欝儀奔日之仙故曰欝儀與日同居**官衙**左傳

云天子有日官諸侯有日衙**君道**曆志云日君

道也無臄冕之變**動法**李德裕云人君法日故

出而視朝入而燕息

煇觀

周禮春官云職祿掌

十煇之法以觀妖祥辨吉凶一曰祲二曰蒙三
曰鑄四曰監五曰闇六曰瞢七曰彌八曰叙九
曰濟十曰想注云妖祥善惡之徵也煇謂日光
氣也祲陰陽氣相侵也蒙如赤雀也鑄謂日旁
氣四面反鄉如煇狀監雲氣臨日也闇日月蝕
也瞢日月瞢瞢無光也彌者白虹彌天也叙者
雲有次序如山在日上也濟者升氣也想者煇
光也

圭測

周禮地官云大司徒以土圭之法測

土深踐日影以求地中日南則景短多暑日北則景長多寒日東則景夕多風日西則景朝多陰日至之景尺有五寸謂之地中

日象

劉向洪

範傳云日者君父夫兄類中國之應也

日景廣

雅云日初出爲旭日昕日晞日溫日煦日在午曰亭午在未曰昞日晚曰旰日將落日薄暮日西落光反照於東曰反景在上曰反景在下曰倒景照日溫也皓日晝貌也暉日光也旰日晚也翌日明也晚日白也

日候

淮南子云日出於

場谷入於咸池拂於扶桑是謂晨明登於扶桑
之上是謂朏明至于曲阿是謂朝明臨于曾泉
是謂早食次于桑野是謂晏食臻于衡陽是謂
禺中對于昆吾是謂正中靡于鳥次是謂小遷
至于悲谷是謂晡時迴于女紀是謂大遷經于
泉隅是謂高春頓于連石是謂下春爰息六螭
是謂懸車薄於虞泉是謂黃昏淪于蒙谷是謂
定昏日入崦嵫經於細柳入虞泉之池曙於蒙
谷之浦日西垂景在樹端謂之桑榆**若木**帝王

世紀云灰豷之山有樹青葉赤華名曰若木日
所入處正崑崙西烏鼠山西南曰崦嵫淮南子
云日入崦嵫是也**扶桑**十洲記云扶桑在碧海
中樹長數千丈一千餘圍兩榦同根更相依倚
是以名扶桑又帝王世紀云大荒之中暘谷上
有扶桑九日居下枝一日居上枝皆載烏**長**
山海經云長暘之山其神白帝少昊居之是神
主司反景注曰日西入則景反東照**明星**山海
經云明星山日月所出**日觀**應邵漢官儀曰太

山東南名曰日觀日觀者鷄鳴時見日也

日名

廣雅云日名朱明一名耀靈一名東君一名大

明一名陽鳥

羲和

山海經云東海之外甘水間

羲和國有女子名羲和是生十日

九道

漢志云

青白黑赤各一道其交必於黃道故爲九春東
從青道夏南從赤道秋西從白道冬北從黑道

正日書云協時月正日

冕朝

禮云冕而朝日東

門之外

並明

賈山云天子與日月並明照四海

朔拜五代史云契丹貴日每月朔旦東向拜日

都廣

淮南子云都廣衆帝所自上下日中無景

盖天之中注云都廣南方山名日中時直無晷

故曰地中

致日

周禮云馮相氏冬夏致日春秋

致月以辯四時之序

畏愛

左傳云夏日可畏冬

日可愛

問日

晉明帝本紀云帝幼時元帝置膝

前會長安使來問長安與日孰近對曰長安近

問人來自長安不問日邊明日晏群臣更問之

對曰日近帝失色徐對曰舉目見日不見長安

麾戈

淮南子云魯陽與韓戰酣日暮援戈麾之

日反三舍**羿射**淮南子云堯時十日並出羿仰

射去其九**兒辯**列子云孔子見二兒辯日一日

日始出近中時遠其形遠小近大一日日初生

遠中時近其氣遠涼近熱孔子不能決**夸逐**列

子云夸父不量力欲及日景逐之至崦谷道暍

死棄其杖化為鄧林**劔指**淮南子云虞公與夏

戰日欲落公以劔指日日還不落**八埒**唐書云

翰林學士入署視日影為候李程性懶日過八

埒乃至時號八埒學士**負暄**列子云宋有田夫

曝日謂妻曰負日之暄久莫知之以獻吾君將
獲重賞**喻學**說苑云師曠對晉平公曰少而學
者如日出之光壯而學者如日中之光老而學
者如秉燭之光**紅輪**聞見錄云有人登岱岳絕
頂行四十里東望天際已明其下尚暗久之自
暗中日輪湧出正紅色騰起數千丈至明處全
無光其下亦尚暗**利眼**陸士衡云利眼臨雲不
能垂照注利眼日也**納照**陸士衡云靈輝朝觀
稱物納照注隨隙穴大小而納照**天機**潘安仁

云靈暉運天機注天運動有機關也陽靈左太

冲云陽靈停輶注陽靈日也丹氣張景陽云丹

氣臨陽谷天綱左太冲云天以日月為綱地以

四海為紀寶器潘正叔云寸畧惟寶豈無瓊璠

雙麗左太冲云日不雙麗胃維顏延年云日纏

胃維注胃星名維畔也南流曹子建云願為南

流景注日也六龍郭璞云六龍安可頓青驪劉

越石云青驪遊駸駸注喻日云之疾半規謝靈

運云遠峯隱半規注日落也峯外半規圓日之

形翔陽

木玄虎云翔陽逸駭於扶桑之津曾暉

顏延年云曾暉薄澗澳注曾暉日光也

藻景陸

士衡云晴川含藻景注華景日光有文也

傾羲

謝惠連云顏魄不再回傾羲無兩且

驚華鷄距

集云鬱華又名鬱儀鬱儀奔日之仙

文螭淮南

子云日乘車駕以文螭

蓋燭

劉禎云仰視白日

光皎皎高且懸蕪燭八紘內物類無頗偏

深汜

張載云十日出暘谷弭節馳萬里經天曜四海

倏忽潛濛汜

翻車

李尤云年歲晚暮景已斜安

得力士翻日車 **金鴉** 韓昌黎云金鴉既騰翥 **金**

輪 劉禹錫云咿啞天鷄鳴扶桑色昕昕赤波千

萬里湧出黃金輪 **頽玉** 李長吉云東方發紅照

推捍頽玉盤 **火輪** 昌黎云火輪飛出客心驚 **六**

轡 李長吉云羲和聘六轡晝夕不曾閑

月

陰精 淮南子云月者太陰之精 **坎象** 易云坎為

月 **焉量** 禮記云月以為量 **陰紀** 楊炯渾天儀賦

云月也者群陰之紀上天之使異姓之王后妃

之事 **夜光** 皇甫謐年歷云月以霄曜名曰夜光

潔質 張衡靈憲云月端形而潔質 **無光** 京房易

說云月與星主陰也有形無光日照乃光 **地統**

考靈曜云日合天統月合地統 **含影** 周髀云日

猶火月猶水火則施光水則含影月光生於日

所照魄生於日所蔽當日則光盈近日則明盡

司時 尹子云使星司夜使月司時 **循緯** 春秋孔

演圖曰仁義之道日月循緯 **圓輝** 禮斗威儀云

政太平則月圓而多輝政昇平則月清而明 **陰**

宗張衡靈憲云月者陰中之宗積而成默象蛛

兔**陰本**呂氏春秋云月群陰之本望則蚌蛤實

群陰盈晦則蚌蛤虛群陰摯**應**抱朴子云月

精生水故月盛而潮大**節禮**禮云月者三日而

成魄三月而成時是以有三讓建國必立三卿

三賓者政教之本禮之大參也注云禮者陰也

大數取法於月**卿士**書洪範云卿士惟月**象**

前漢律歷志云三十斤成鈞一月之象**滿闕**釋

名云月闕也言滿則復缺**得天**易云日月得天

而久照從星書云月之從星則以風雨離畢詩

云月離於畢伴靈靈矣畢月旁星也畫灰淮南

子云畫灰而月暈缺注以蘆灰環月缺其一而

則月暈亦缺方諸淮南子云方諸見月則津而

爲水方諸陰燧大蛤也向月則水生月朧京房

易傳云晦而月見西方謂之朧朧則侯王其舒

劉向云朧者疾也君舒緩則臣驕慢故日行遲

而月行疾也亥匿京房易傳云朔而月見東方

謂之亥匿亥匿則侯王其肅劉向云亥匿者不

進之意君肅急則臣恐懼故日行疾而月行遲
不敢迫近君也**連紀**漢李尋云月百里爲品千
里立表萬里連紀注品同也言百里內度數同
也千里則當立表度其景萬里則繼其本所起
紀其宿度也**成德**京房易傳云朔晦正終始弦
爲繩墨望成君德**地影**淮南子云月中有物者
山河影也其空處海影**閭扶**酉陽雜俎云釋氏
書言須彌山南有閭扶樹月過樹影入月中**細**
書淮南子云明月之光可以細書不可望尋丈

之外**水精**揚泉物理論云月水之精潮有大小

月有虧盈陰**長**漢書云李尋上書云月者象陰

之長妃后大臣諸侯之象也**更蘇**尚書正義云

朔者蘇也言月盡而更蘇也**受符**白虎通云晦

至朔旦月受符而後行**體伏**後漢律曆志云日

月相推日舒月速當其同謂之合朔以速及舒

光盡體伏謂之晦**月道**漢書云月立夏夏至行

南方赤道曰南陸立秋秋分行西方白道曰西

陸立冬冬至行北方黑道曰北陸分則同道至

則相過晉天文志云月有九行如日有九道也

月名

釋名云朏月未成明也魄月始生魄然也

承大月月生二日謂之魄承小月月生三日謂

之朏朏音斐朔月初之名也朔蘇也月死復蘇

生也晦月盡之名也晦灰也死爲灰月光盡似

之也弦月半之名也其形一旁曲一旁直若張

弓弦也望月滿之名也日月遙相望也**方山**山

海經曰大荒之中有方山日月所出入也**蟾兔**

五經通義云月中有兔與蟾蜍月陰也蟾蜍陽

也與兔並明陰係陽也**穴鬼**乾鑿度云月三日

成鬼八日成光蟾蜍體就穴鬼始明注云穴決

也決鬼兔也**鏡體**物理論云京房說月與星至

陰也有形無光日照之乃光如以鏡照日而有

影見又淮南子云日似彈丸月似鏡體或云月

亦似彈丸日照處則明不照處則闇**偃月**京房

易飛候云正月有偃月必有嘉王**織阿**淮南子

云月御曰望舒亦曰織阿**二曆**中興天文志云

月行黃道內曰陰歷外曰陽歷北爲內南爲外

君姊

春秋感精符曰人君兄曰日姊曰月

爲衡

後漢律曆志云日舒月速舒先遠後近一遠三

謂之弦相與爲衡平分天下之中謂之望

魚腦

淮南子云月毀而魚腦滅

望舒

淮南子云望舒

爲月御猶日御猶羲和也

月妃

韓愈聖德頌云

日君月妃煥赫嫫媼

桂子

洞冥記云炎洲仙山

有遠飛鷄朝往夕還啣月中桂實歸于南土故

北方無桂南方當月路江東諸處每於路衢得

之

姮娥

羿妻竊藥奔月乃爲月中仙

感精

遁甲

開山圖解云女狄暮汲石紐山下水中得月精
如鷄子愛而吞之遂有娠十四月生禹**牛喘**世
說云吳牛見月而喘**占姓**左傳云楚晉將戰晉
侯夢呂錡射中月退入於泥占之曰姬姓日也
異姓月也楚必亡及戰射恭王中目錡死之**登**
樓晉書云庾亮在武昌諸佐史乘秋月夜共登
南樓俄而亮至諸佐史避之亮曰少住老子於
此興復不淺遂共談詠**影娥**洞冥記云漢武帝
起俯月臺下穿池登臺眺月影入池中使官人

乘舟弄月因名影娥也

泛渚

晉書云謝尚鎮牛

渚秋夜乘月與左右泛江會袁宏在舫中諷誦

尚即迎升舟與之談論達旦

清嘯

晉書云劉琨

在晉陽爲胡騎所圍琨乘月登樓清嘯賊聞之

皆悽然而退

廣寒

龍城錄云唐明皇秋夜遊月

宮見天府榜曰廣寒清虛之府十餘素娥皆乘

白鸞舞桂樹下歸按其調作霓裳羽衣曲又十

洲記云冬至後月養鬼於廣寒宮

瓊樓

酉陽雜

俎云翟天師玩月江岸或問此中何有翟曰可

隨吾指觀之見月中瓊樓金闕滿馬**剪紙雜俎**
云楊隱之宿唐道人月暗不設燈唐呼女曰可
將一下弦月來女剪片紙貼壁上祝曰今夕有
客願賜光明湏臾滿室朗然**修月雜俎**云大和
中有人遊嵩山見道卧者因就問之笑曰君知
月乃七寶合成乎月勢如丸其凹處常有八萬
二千戶修之我其一也因以斤鑿示之**斫桂雜俎**
俎云月桂高五百丈下有一人常斫之樹創隨
合人姓吳名成西河人學仙有過請令伐樹**乘**

月 唐史云李白嘗乘月與崔宗之自采石至金

陵衣宮錦袍坐舟上旁若無人**結璘** 鷄跖集云

結璘奔月之仙故曰結璘黃文與月同居**夜景**

陶潛云涼風起將夕夜景湛虛明**娥眉** 謝玄暉

云未映東北墀娟娟似娥眉**二八** 又云三五二

八時千里與君同**金樞** 謝希逸云大明鎮轡於

金樞之穴金樞月沒處也**順辰** 又云順辰通燭

月順十二辰而行也**暉素** 何敬祖云廣庭發暉

素**開雲** 顏延年云側聽風薄木遙睇月開雲**雖**

虎陸士衡云望舒離金虎畢西方宿故曰金虎

鑑帷阮籍云薄帷鑑明月清風吹我衿鑑照也

若霜司馬長卿云望中庭之藹藹兮若季秋之

降霜**東秀**陸士衡云懸景東秀夜光與砥砢匿

耀玉鈎鮑昭云始見西南樓纖纖如玉鈎**鵲飛**

曹孟德云月明星稀烏鵲南飛繞樹三匝何枝

可依**徘徊**鮑昭云蛾眉蔽珠櫳玉鈎隔瑣窓夜

移衞漢落徘徊帷幌中**浮天**梁孝元帝云澄江

涵皓月水影若浮天風來如可泛流急不成圓

影流

梁蕭綸云日霜氛含月影霽霽下南樓霧

濃光若畫雲駛影疑流

方暉

沈約云月華臨靜

夜夜靜滅氛埃方暉竟戶入圓影隙中來

移輪

庾肩吾云桂殿月徧來留光引上才渡河光不

濕移輪轍詎開

扇

蕭子範云河漢東西陰清

光此夜出入帳華珠被斜筵照寶瑟

扇影

劉孝

綽云輪光缺不半扇影出將圓

雙輪

江總云雙

輪非戰反團扇少歌聲雲前來往色水上動搖

明代終

周祗云二氣理化精者能鏡陽得一以

朗旦月代終而夕映**明昏**謝靈運云昨三五兮

既滿今二八兮將缺浮雲褰兮收泛濫明舒照

兮殊皎潔**流天**謝莊云斜漢左界北陸南躔白

露暎空素月**澄暉**唐太宗云元兔月初明

澄輝照遼藹映雲光暫隱隔樹光如綴**鏡升**杜

子美云驟雨清秋夜金波耿玉繩天河元自白

江浦向來澄映物連珠斷綠空一鏡升**沒輪**又

云玉露團清影銀河沒半輪**委波**又云委波金

不定照度綺逾依**玉瀉**舒亶云沙岸金籠樹澄

汀玉湧濤

星

水精

三五曆紀云星者水之精也

生地

張衡靈

憲云星者體生於地精成於天

陽榮

春秋說題

云星之為言精也陽之榮也陽精為日日分為

星故其字日生為星

源氣

晉天文志云衆星浮

生浮生虛空之中其行其止皆源氣焉

文耀

晉

天文志云張衡曰文耀麗乎天其動者有七日

者陽精之宗月者陰精之宗五星五行之精

虛

盈太玄云斗一北而萬物虛斗一南而萬物盈

布散釋名云星者散也言列位布散于天

羸縮

前漢天文志云五星早出爲羸羸爲客晚出爲縮縮爲主人星占云歲星熒惑鎮星太白辰星爲五星也凡聚處皆主文昌

恒經

穀梁云列星

曰恒星亦曰經星皆言常也

彗約

爾雅云彗星

曰彗約

象神

晉天文志云在野象物在朝象官

在人象神

庶民

書云庶民惟星

星好

又云星有

好風星有好雨又春秋緯云月離于箕風揚沙

詩云月離于畢俾滂沱矣司夜易事類云使星

司夜使月司時猶使鷄司晨也天文易云觀乎

天文以察時變啓明詩云東有啓明西有長庚

博雅註云即太白金宿也晨見東爲啓明昏見

西曰長庚布新淮南子云鯨魚死而彗星出注

云彗所以除舊布新政失文子云政失於春歲

星盈縮政失於夏熒惑逆行政失於秋太白出

入無常政失於冬辰星不効其鄉天鴈考靈耀

云流星色青赤名地鴈其所墜處兵起青赤曰

天鴈軍甲之精華也

華

春秋運斗樞云北斗

七星第一天樞第二旋第三機第四權第五衡
第六開陽第七搖光第一至第四爲魁第五至
第七爲標標十合爲居陰布陽故稱北

三主

列

星圖云北極第一星主月太子也第二星主日

帝王也第三星主五星庶人也

綱紀

列星圖云

北斗天之三辰綱紀也

帝車

晉天文志云斗爲

天車取運動之義又列星圖云北斗七星在太
微之北是爲帝車

樞機

列星圖云北斗七星輔

一星在太微北七政之樞機陰陽之元本也

蓋隋天文志云北極天之杠較又列星圖云名

天極 **嫁女**隋天文志云星與日並出名曰嫁女

服箱詩云睨彼牽牛不以服箱 **大水**左傳云衛

顛頊之虛是爲帝丘其星爲大水 **河鼓**爾雅注

云荆楚人謂牽牛星爲擔鼓擔猶荷也故亦曰

荷鼓星 **五佐**史記天官書云五星者天之五佐

爲經緯見伏有時所過羸縮有度 **精降**星占云

五星盈縮天位其精降于地爲人歲星降爲貴

人熒惑降爲童兒歌謠嬉戲鎮星降爲老人婦
女太白降爲壯夫處于林麓辰星降爲婦人吉
凶之應隨其象**狐南**列星圖云老人星一名狐
南一曰南極常以秋分之日見于丙春分之夕
没于丁又星占云老人星見則主治平**狼北**運
斗樞云狼北有大星曰南極老人星見則治安
不見兵起**攝提**荊州星占云攝提常向東天下
無事**三能**史記云魁斗下三星兩兩相比者名
曰三能也色齊則君臣和注曰三能合也**同色**

又云五星同色天下偃兵百姓安寧歌舞以行
不見災疾五穀蕃昌

喉舌

後漢書李固云北斗

天之喉舌尚書陛下喉舌也斟酌元氣運平四

時

圖書

星經云東壁天帝圖書秘府也明則圖

書集道術行小人退君子進

天精

瑞應圖云景

星天精也狀如半月王者不私人則見

策馬

史

記云漢中四星曰天駟旁一星曰王良王良策

馬車騎滿野

撓搶

爾雅云彗星曰撓搶

旄頭

爾

雅云西陸昴也西方之宿別名旄頭

天鏡

列星

圖云天錢十星在北落西**天門**春秋佐助期云
角爲天門有左右角神**天府**荊州占云右箕宿
四星一名天府一名天女一名臨宮**天根**國語
云天根見而水涸爾雅云天根氐宿也郭璞云
角亢下繫於氐猶木之有根**天柱**荊州星占云
三台者諸侯也名曰天柱三公之位太一之塔
也**天階**春秋元命苞云畢爲天階**太微**張衡靈
憲云太微爲五帝之庭**織女**荊州星占云織女
一名天女漢書天文云織女天孫女也**長垣**荆

州星占云紫微者天帝之座也一名長垣**五繩**
春秋元命苞云玉衡北星爲玉繩**黃龍**石氏星
書云中宮黃帝其精黃龍爲軒轅**白虎**史記云
西方七星虎宿也**地候**春秋考異云下有謀則
星入月注曰地候星也**天河**淮南子云天河群
臣之闔天河星名也閨猶門也**咸池**又云咸池
者水魚之國咸池星名**明堂**又云心爲明堂**匏**
瓜荊州星占云匏瓜一名天鷄匏瓜明則歲大
執宿長爾雅云壽角亢也注曰角亢分宿之長

故曰壽星**四獸**張衡靈憲云蒼龍連珠於左白

虎猛據於右朱雀奮翼於前靈龜圈脊於後黃

龍軒轅於中則軒轅一星與蒼龍白虎朱雀玄

武四獸爲五矣**營室**詩云定之方中作於楚宮

爾雅云營室謂之定郭璞曰定正也作官室以

營室中爲正**貫珠**易坤靈圖云至德之萌五星

若貫珠**權衡**孟康漢注云軒轅爲權太微爲衡

星尺徐整長曆云大星徑百里次五十里小星

三十里也**星主**荊州星占云胃主倉廩南斗主

爵祿七星主衣裳牽牛主關梁春秋佐助期云
婁主苑牧奎主武庫鬼主神明昴主獄事天女
主布帛營室主軍糧春秋合成圖云東井主水
衡淮南子云四守主賞罰四守謂紫宮軒轅咸
池天河也**星野**周禮云天星皆有州國分野角
亢氐兗州房心豫州尾箕幽州斗牽牛婺女揚
州虛危青州營室東壁并州奎婁胃徐州昴畢
冀州紫觜參益州東井鬼雍州柳七星張三河
翼軫荊州堪輿家云玄枵齊之分星紀吳越之

分析木之津燕之分大火宋之分壽星鄭之分
鶉尾楚之分鶉火周之分鶉首秦之分實沉魏
之分大梁趙之分降婁魯之分訾姬衛之分星
義漢書音義云瑞星曰景星亦曰德星妖星曰
孛星彗星長星亦曰撓搶紀跡而去曰飛星光
跡相連曰流星亦曰奔星星光曰芒**星神**周處
風土記云七月七日夜河鼓織女二星當會又
武仙翁云是夜織女渡河暫詣牽牛**宿度**博雅
云東方七宿七十五度南方七宿百一十二度

西方七宿八十度北方七宿九十八度四分度之一四方凡三百六十五度四分度之一一度二千九百三十二里二十八宿間相去積一百七萬九百一十三里徑三十五萬九百七十里

名異

博雅云歲星木宿謂之重星或謂應星管


惑火宿謂之罰星或謂執法鎮星土宿謂之地侯太白金宿謂之長庚或謂太監辰星謂之鈞星兔星或謂鈎星大角謂之棟星天宿謂之參旗紫宮參伐謂之大辰太微房謂之明堂額女

謂之菱女參謂之實沉昂謂之旄頭東井謂之
韓首張謂之鶉尾軫謂之烏鴛營室謂之豕韋
北辰謂之大堂天淵謂之組茲如星謂之大堂
天淵謂之三淵軒轅謂之路寢與鬼謂之天廟
祭名爾雅云祭星曰布布散食地上**水宿**宋中
興天文志甘氏云雷電在室南霹靂在雷電南
雲南在霹靂南土工吏在壁西南蓋雷公電姥
雲將雨師與霹靂宿吏皆北方水宿之精而姪
皆爲人門故其神棲焉**降神**中興天文志云軒

轅降神而生黃帝故自號曰軒轅龍名也如王

良奚仲造父皆星名亦其神降而為人人去而

復為星也 **旂象** 考工記曰龍旂九旂象大火也

鳥旗七旂象鶉火也熊旗六旂象  也龜蛇

四辨象營室也 **孛星** 中興天文志云孛彗也本

黃帝時一女子修行不得其死 **參辰** 左傳云高

辛氏二千長闕伯季實沈不相能也日尋于戈

以相征討后帝不滅遷闕伯于商丘主辰商人

是因故辰為商星遷實沈于大夏主參唐人足

因故參爲晉星**華渚**

河圖云大星如虹下流華

渚女節意感而生少皞又見星門

斗樞

史云少

典妃附寶見大電光繞斗樞星感之而孕生軒

轅又見電門

五老

論語識云仲尼曰吾聞堯率

舜遊首山觀河渚有五老飛爲流星上入昴**禳**

書

國語云齊有彗星公欲禳之晏子云彗所以

除穢也君無穢德又何禳焉若德之穢禳之何

益**災惑**

左傳云宋景公時災惑守心詔子韋問

焉曰禍當君然可移于相公曰相所以治國家

也曰移乎民公曰民死寡人將誰爲君曰可移
于歲公曰歲饑民餓必死爲人君而殺其民誰
以我爲君子韋曰君有君人之言三天必三賞
君候之果徙三舍凡熒惑所守皆不利也**德星**
異苑云陳仲弓從諸子姪造荀李和父子于時
德星聚太史奏五百里賢人出**客星**後漢書云
嚴陵少與光武爲友帝登極物色陵至京師夜
與共卧陵以足加帝腹太史奏客星犯帝座甚
急帝曰朕與故人子陵共卧耳又隋天文志云

周伯老子王蓬絮國皇溫星皆客星也

歲星

列

仙傳云東方朔楚人後賣藥五湖知其爲歲星

二使

後漢書云和帝分遣使者二人各至州郡

觀采風誼一人當到益部投候館吏李卻舍部
問曰二君發京師時知朝廷遣二使至郡問何
以知之卻指星云前有二星向益州分野

少微

孫氏晉陽秋云會稽謝敷隱若耶山名聞不及
戴逵時月犯少微人云處士星也皆爲逵憂俄
而敷死人嘲逵曰吳中高士求死不得天官星

占云斗魁第一星名少微一名處士

台

晉書

云張華爲司空中台星圻俄爲趙王倫所殺

墮

瓊續晉陽春秋曰桓玄母馮氏與同列薛郭夏

夜玩月見流星墮銅水瓮中如二寸火珠炯然

水底乃相謂曰此吉祥當誰應之薛郭更以瓢

杓接取並不得馬最後取星入瓢中便飲之若

有感俄而懷玄玄後極貴盛

思

沈約宋書曰

永安二年有稚子群戲一小兒忽來曰我非人

熒惑星也言訖上飛仰而觀之若曳匹練有頃

而沒**騎箕**莊子云傳說騎箕尾比於列星**戴星**
家語云巫馬期爲單父令戴星出入以理人**太白**
白漢書云衛先生爲秦潛長平之事太白食卵
太白天之將軍其精誠上達于天故太白爲之
食卵**四星**晉書云永嘉中歲星鎮星熒惑太白
聚于牛女讖者以爲當興王是歲元帝登位凡
四星聚皆興王之祥**白榆**古詩云天上何所有
歷歷種白榆白榆星名**向曙**古詩云脰脰臍臍
鷄初鳴磊磊落落向曙星

雲

山氣說文云雲山川氣也從雨**雨具**荀顛云久

陰不雨雲者雨之具也**從龍**易云雲從龍風從

虎聖人作而萬物睹**待族**廣成子云黃帝治天

下雲氣不待族而雨**承宇**楚辭云雲霧兮承宇

朝階詩云蒼兮蔚兮南山注雲與皃**露茅**詩云

英英白雲露彼菅茅**興雨**詩云有拊娑娑興雨

祁祁**觸石**公羊云雲觸石而出霄寸而合不崇

朝而徧天下者唯泰山爾**潤礎**淮南子云山雲

蒸柱潤礎**不雨**易云密雲不雨自我西郊**雨微**

京房易傳云四至見青白黑雲東西南北名曰

四塞之雲見即有雨**符陽**山海經云符陽之上

惟雲所出**濯魚**相雨書云四方有濯魚雲疾者

立雨遲者雨少濯魚雲形也**油然**孟子云天油

然作雲霈然下雨**龍氣**韓愈云龍嘘氣成雲龍

弗得雲無以神其靈**變化**宋王云望高唐上有

雲氣須臾之間變化無窮**舒卷**成公復云舒則

彌綸覆四海卷則消液入無窮**雲候**易通卦驗

云冬至初陽雲出箕如樹木立春青陽雲出房
如積氷春分正陽雲出軫如白鶻穀雨太陽雲
出張如車蓋立夏初陰雲出觜如赤珠夏至少
陰雲出如水波立秋濁陰雲出如繒寒露正陰
雲出如冠纓霜降大陰雲上如羊下如礮石

類

呂氏春秋云山雲草莽水雲魚鱗旱雲烟火

雨雲水氣無不比類其所生以示人

雲象

兵書

曰韓雲如布趙雲如牛楚雲如日宋雲如車魯
雲如馬衛雲如犬周雲如輪秦雲如行人魏雲

如鼠齋雲如絳衣越雲如龍蜀雲如圍雲名西
京雜記云祥瑞之雲曰慶雲亦曰卿亦曰景外
赤內黃曰肴雨曰油雪曰同又史記云若烟非
烟若雲非雲謂之慶雲又晉天文志云王者德
至山林則景雲出又詩云上天同雲雨雪紛紛
紀官史云黃帝受命有雲瑞以雲紀官故爲雲
師而雲名書雲周禮云保章氏以五雲之物辯
吉凶注二分二至書云色青爲蟲白爲喪赤爲
兵荒黑爲水黃爲曹蒼梧歸藏云有白雲出自

蒼梧歸于大梁**杼軸**史記天官書云凡望氣陣

雲如立垣舒雲類**杼軸****金翹**金樓子云星懸王

李雲展金翹**雲間**魏志云盛和元年七月雲間

聲如暴風急雨**布恩**禮統云雲者運氣布恩普

也**隱賢**京易易飛候云視四方常有六雲五色

具其下聖人**隱****匹皂**京房風雨要訣占候云朝

雨法有黑雲如一匹皂二日中即一日大雨二

匹二日雨三匹十日雨**燃石**王子年拾遺記云

烟石色紅似肺燒之香聞數百里烟氣升天成

香雲過潤則爲香雨**雲師**春秋說題云雲師曰
豐隆又呂氏春秋云雲師曰屏翳又廣雅云豐
隆爲雲師飛廉爲風伯屏翳爲雨師**陽臺**宋王
云朝爲行雲暮爲行雨朝朝暮暮陽臺之下**拋**
車國史補云暴風之候有拋雲車**砲車**文選云
舟人占雲若砲車起急避之乃大風候也**垂天**
莊子云大鵬翼若垂天之雲**三素**修真秘訣曰
以立春日北望有紫綠白雲者爲三素三元君
以是日上諸天帝當再拜陳乞見元君之聲者

白日昇天帝鄉莊子云華封人謂堯曰聖人鵠

居而教食天下有道與物皆昌乘彼白雲至于

帝鄉又曰乘雲氣御飛龍而遊乎六合之外華

蓋淮南子云黃帝與蚩尤戰於涿鹿五色雲止

於帝上金枝玉葉象之作華蓋又漢武故事云

上禪肅然白雲爲蓋覆史云汾陰寶鼎天子

祠之黃雲覆焉**起封**漢書云武皇封太山白雲

起封中又云宣帝祀甘泉紫雲從西北來散于

殿前孤飛唐書云狄仁傑嘗登太行見白雲孤

飛謂左右曰親舍其下瞻悵久之

五

堯書苑云

常陟自謂所書陟字若五朶雲號郇公五雲體

夾日

左傳云哀六年吳伐陳楚子救陳將戰王

有疾庚寅卒于城父是歲雲如衆赤鳥夾日以
飛三日楚子使問周太史太史云其當王身乎
若祭之可移于令尹王曰除腹心之疾而冥諸
股肱何益不谷有罪又焉移之遂弗祭

見日

文

王遇姜公於渭陽灼然如披雲見白日

觀天

晉

史云衛燕見樂廣而竒之曰此人見之若披雲

而覩青天**起落**搜神記云荀子訓至洛見公卿

數十處去後皆白雲起**隨**漢武帝內傳云帝

於尋真臺七月七日夜見西王母乘紫雲輦來

勃鬱盡爲香氣**浮落**禮斗威儀云周成王觀于

河沉璧而退青雲浮洛青龍臨壇吐玄甲之圖

沈璧尚書中候云堯沈璧於河白雲起河迴風

搖落**升堂**春秋孔演圖云舜將興黃雲升堂湯

將興白雲入房**雲氣**酉陽雜俎云雲氣多壽又

帝王世紀云堯母慶都生而神異常有黃雲覆

之又漢書云高祖在芒碭山上有雲氣又魏書
云文帝生有雲氣青色常蓋其上又唐史云中
宗庶人韋氏禁中謬傳有五色雲氣在后衣笥
中帝圖示朝臣大赦又唐新語云拾遺崔希喬
轉馮翊合雲氣如蓋當其聽事過於州郭又五
代史云呂師周謂其裨將蔡毋潛曰吾望楚營
雲氣甚佳未易敗也

雲占

京房易飛候云當有

雨黑雲奔如群羊東方朔傳云長吏東耕有黃
雲覆車五穀大熟又兵書云雲如丹蛇墮星後

大戰殺將如雄維臨城必降形似獸客告主凶
賊上雲如奔牛兵不可即雲如日月有赤繞地
不可故城內有黑雲大如火星名軍精勿犯

天

瑞

唐史云鄭泊子仁規仁表皆豪爽有文嘗以

門閥文章自高曰天瑞有五色雲人瑞有鄭仁
表**愁雲**史記云舜崩蒼梧山上有九峯常有愁

雲浮阜莫辨陵所因名九疑

圓軫

春秋文耀鉤

曰楚有蒼雲如霓圓軫七蟠中有荷斧之人向
軫而蹲**干呂**十洲記云天漢三年月氏國獻神

香俊者曰國有常占東風入律百旬不休青雲
千呂連月不散意中國有好道之君故貢神香

出岫

陶潛云雲無心而出岫

舞

陸士衡云鸞

舞角以軒螿為企翮而遙行**窈窕**曹植云晨遊

太山雲霧窈窕**翼鳳**陸士衡云翼靈鳳於蒼梧

起滯龍於潢汙**卿雲**江文通云山雲備卿雲**盈**

天陸士衡云商飈漂山不興盈天之雲**思山**張

景陽云流波戀舊浦行雲思故山**鱗起**鮑明遠

云鱗鱗夕雲起獵獵晚風道汾陽注慶雲也**慕**

合江文通云日暮碧雲合佳人殊未來注**無依**
陶潛云萬族各有託孤雲獨無依**松栝**宋玉云
其始出也曄兮若松栝曄曄栝豎也**無處**又云
風止雨霽雲無處所**迴沒**沈約云白雲自帝鄉
氛氲屢迴沒蔽虧崑山樹含吐瑤臺月**舒卷**成
公綏云舒則彌綸覆四海卷則清液入無形**高**
岳劉楨云玄雲起高岳終朝彌八方**朝飛**王勃
云畫棟朝飛南浦雲朱簾暮捲西山雨**繽紛**張
景陽云慘淡天同色繽紛雪共寒**車蓋**魏文帝

云西北有浮雲亭亭如車蓋惜哉時不遇忽與
飄風會**蓋**孔範云白雲浮遠蓋飄飄繞石飛
帶蓮綵錦色拂鏡下儂衣**障影**唐太宗云翠樓
含曉霧蓮峯帶晚雲橫天結陣影逐吹起羅文
流彩又云白雲蓋滯水流彩入澗川**抱石**余濟
云幾年嗟抱石今日喜從龍**覆兆**崔顥云傍花
初點綴覆苑更崢嶸**擎紫**韓愈云晴雲如擘絮
沮洳杜甫云嶺雲春沮洳江月夜晴明**白衣**杜
甫云天上浮雲如白衣斯須改變如蒼狗

風

噫氣

莊子云大塊噫氣其名爲風

從虎

易云風

從虎

離箕

春秋緯云月離于箕風必揚沙

星好

書云星有好風星指箕宿也

破萌

西京雜記

董仲舒

曰太平之世風不搖條開甲破萌而已

養物

禮記云風萌也養物成功所以八風象八

卦也

休徵

書云休徵曰聖時風若言君聖則風

時也咎徵蒙恒風反是

鳴條

孝經援神契云至

治之世風不鳴條

戒寒

國語云火見而清風戒

寒應類

淮南子云物類之相應玄妙深微論辦

不能解故東風至而酒沈澆注酒沈清酌酒也

未物下沈木味酸酸風入酒故祚而沈者涉**扶**

搖莊子云鵬搏扶搖而直上九萬里扶搖風也

又爾雅云扶搖謂之熒暴風從下上者**焚輪**爾

雅云焚輪謂之頽言暴風從上而下名焚輪**有**

隧詩云大風有隧**虎嘯**淮南子曰虎嘯而谷風

生**鳶鳴**禮記云前有塵埃則載鳴鳶言鳶鳴則

風生**裂肌**唐史侯君集傳云冬風裂肌夏風如

焚**雄雌**宋玉云大王之雄風庶人之雌風**赤白**

養生經云修身之道夏避赤風冬避白風治身

治目也**解凍**禮記云立春之日東風解凍**偃草**

仲尼云君子之德風小人之德草草上之風必

偃**拔木**書云天大雷電以風禾盡偃大木斯拔

邦人大恐王與大夫盡弁以啓金滕之書乃得

周公所自以爲功代武王之說**地籟**莊子云汝

聞天籟未聞地籟注風吹萬物也**解愠**史云舜

作五絃之琴以歌商風曰南風之薰兮解吾人

之愠兮

神息

括地圖云鍾山之神名曰燭陰視

焉晝服爲夜吹爲冬吹爲夏息爲風也

飄風

老

子云飄風不終朝

終風

詩云終風且曠

颶風

嶺

表錄云夏秋多颶風先有暈如虹者謂之颶毋

必有颶風又南越志云嶺南夏秋風發自午至

夜乃止什屋僵樹累年一發或歲再三又番禺

雜記云颶風將發有微細雨先緩後急謂之鍊

風又有石尤風亦風類

嬰風

左傳云藏冰以時

春無凄風

嬰風

兵書云風從震來名嬰兒風也

香風

王子年拾遺記云瀛洲時有香風冷然而

起張

袖受之則歷紀不歇

祥風

禮稽命徵云出

號令合民心則祥風至又孝經援神典云德至

八方則祥風至

雀風

風土記云南中六月則有

東南長風俗號黃雀風時海魚變為黃雀因為

名**鷓退**

左傳云六鷓退飛過宋都言風也

鳥游

左傳云爰居止於魯東門展禽曰其海有災乎

廣川高山鳥獸恒知避其災是歲海果大風

鯨

起扶風傳云西海有山周千里中有大石鼓可

百丈海行聞石鼓聲如雷則鯨便起而風也

和

又太平廣記云王母遣使獻白玉瑄吹之以

和

八風

律吹

周禮保章氏云十二辰皆有風吹

其律乃知和否**異色**史云大庭王氏天下五風

並異色

花信

歲時廣記云自初春至初夏其間

二十四風始于梅花終于楝花謂之花信

麥信

國史補云江淮船沂流而上常待東北風謂之

信風七八月有上信三月有鳥信五月有麥信

千里

抱朴子云拔木之風必千里也

三丈

風角

云日晴明風高不及地二三丈者必有聖人二

三尺者君子風也**八風**服虔云軋音石其風不

周坎音華其風廣莫良音匏其風條震音竹其

風明庶巽音木其風清明離音絲其風景坤音

土其風涼允音金其風閭闔易緯通卦驗云立

春條風至春分明庶風至立夏清明風至夏至

景風至立秋涼風至秋分閭闔風至立冬不周

風至冬至廣莫風至樂記云八風從律而不奸

又尚書大傳云舜將禪禹八風修通**風名**爾雅

云東風曰谷風南風曰凱風西風曰泰風北風曰涼風迴風曰飄日出而風曰暴陰而風曰曠風而雨土曰霾月令云疾風曰育風亦曰飛廣雅云大風曰昌風俗通云猛風曰颶涼風曰瀏微風曰飈小風曰颺小風從孔來曰飈風伯呂氏春秋云飛塵風伯也韓昌黎訟風伯云我知其端兮風伯是尤風師風俗通云箕星風師也巽二牛竒章幽怪錄云令巽二起風滕六降雪巽二風神也封媿牛竒章云封媿風神也風母

交州記云風毋出九德穴似後見人屈頭以鉄
錘擊之乃死得風即活**空穴**莊子云空穴來風

摧秀劉總云木秀於林風必摧之**風井**荊州記

云宜都限山縣山上有石人數尺名曰風井夏
出冬入風出之時拂石降也**風竅**王欽之妬記

云沈軍壘北有岷崙山連峙千仞嶺岑常飈有
風竅**犬穴**三水小牘云汝南林汝縣南廣城陂

西有小山崦峒其顛穴如盎將大風則白犬自
穴出入以爲候**鞠陵**山海經云大荒之中有山

曰鞠陵山有神人名曰折丹處東極以出入風

佷山

荆山圖云佷山縣山下有石床傍生野薤

人往乞靈神許則風吹靡其薤

飛羽

淮南萬畢

術云欲致疾風焚鷄羽

銅鳥

述征記云長安宮

南有相風銅鳥遇風乃動

占鐸

開元遺事云岐

王宮於竹林內懸碎玉片夜聞相觸聲即知有

風號占風鐸

相旌

又云五王宮中各立長竿挂

五色旌四垂皆綴金鈴有聲即視旌所向知風

候

相竿

晉史云車駕出相風在前刻鳥於竿上

名曰相風**少女**管輅云今夕當雨樹上已有少

女風須臾雨至**脯翼**帝王世紀云堯時厨中有

白肉脯薄如翼形鼓則風生令食物寒而不臭

名曰脯翼**風車**括地圖云竒肱氏爲飛車從風

遠行湯時西風吹車至豫州湯破其車不以示

民十年東風至乃復始作車遣歸去王門四萬

里**蚩尤**史記云蚩尤氏能徵風召雨與帝爭強

帝滅之**庶女**史記云庶女者齊之寡婦養姑孝

姑女殺母以誣寡婦婦不能解呼天而大風襲

齊殿

尹占

神仙傳云老子去周而出關以升崑

崙關令尹喜占風逆有神人來過乃除道見老

子老子知喜合得道乃停關下授以長生之事

列御

莊子云子列子御風而行泠泠然旬有五

日而反又云列子師老商氏友伯高子進二人

之道乘風而歸

折蓋

崔豹古今注云武王伐紂

大風折蓋太公因折蓋之形製曲蓋

折歌

漢書

云高祖過沛作大風歌今其地有歌風臺

漢書云項王圍漢王三匝於是風從西北來折

木揚沙楚軍大亂漢王得與數十騎遁去

入律

漢武帝紀云天漢三年月氏國獻神香使者曰

國占東風入律百旬不休意中國有奸道之君

故來貢

去易

戰國策云燕太子丹送荆軻易水

之上荆軻起爲壽歌曰風蕭蕭兮易水寒壯士

一去兮不復還

橫汾

漢書云武帝秋風辭曰秋

風起兮白雲飛草木黃落兮鴈南歸汎樓船兮

濟汾河橫中流兮揚素波

寶臺

趙飛燕別傳云

成帝以飛燕身輕置七寶避風臺

風史

宋書云

明帝體肥憎風夏月常著小皮衣拜左右二人
爲司風令史風起方向輒先啓聞**鄭公**漢鄭弘
傳云弘常採薪白鶴山得遺箭頭有人來覓弘
還之謂所欲弘知其神人也弘曰患若耶溪載
薪爲難碩旦南風暮北風後果然今若耶溪風
至今人呼**鄭公****朔占**東方朔傳云孝武坐未央
前殿天新雨朔屈指獨語上問之對曰殿後栢
枝有雀立東向鳴視之果然上又問朔曰風從
東來鵲嘗順風立是以知也**奮畏**世說云蒲奮

長風在晉武帝座北窓作琉璃屏實密似踈奮
有寒色曰臣猶吳牛見月而喘**思尊**又云張翰
辟齊王東曹掾在洛見秋風起因思吳中蓴羹
鱸膾遂命駕歸**拂扇**又云庾亮在石頭王導在
冶城偶大風揚塵王以扇拂之曰元規塵汗人
勝風酉陽雜俎云山人包超明皇令隨哥舒翰
西征每陣常得勝風**汎蘭**楚辭云光風轉蕙汎
崇蘭**迴雪**曹植云飄飄兮若流風之迴雪**賦音**
陸士衡云時風夕麗程形賦音言因形物巨細

而賦音如君之化**揮扇**又云揮扇生風而繼飛

庶之功**枯桑**古辭云枯桑知天風海水知天寒

乘夕何敬祖云秋風乘夕起**危葉**王元長云危

葉畏風**排戶**楊子雲云排玉戶而颺金鋪**青蘋**

宋玉云風生於地起於青蘋之末**折墜**又云清

清泠泠愈病折醒**箕伯**張衡云屬箕伯以亟風

掃林孟陽云秋風吐商氣蕭瑟掃前林**動扇**班

婕妤詩曰新裂齊紈素鮮潔如霜雪裁爲合歡

扇團團似明月出入君懷袖動搖微風發**送香**

梁簡文帝云暫舞驚鳧去時送藥香采**飄粉**梁

孝元帝云樓上起朝粧風花下砌傍入鏡先飄

粉翻衫好染香**傳涼**簡文帝云飄飄散芳勢泛

漾下蓬萊得涼入鏤檻發氣滿瑤臺**春吹**劉孝

綽云嫋嫋秋聲習習春吹鳴茲玉樹煥此銅池

動竹庾肩吾云掃壇聊動竹吹薤欲成書**截道**

潘安仁云瞥若截道颺言人生如道上颺風曾

颺謝靈運云晨裝樽曾颺言張帷待高風**玉宇**

劉休玄云玉宇來清風**舞颺**江文通云曲橋激

鮮飈

奕籟

殷仲文云奕籟驚幽律籟風激物聲

動袿

嵇叔夜云微風動袿祖帳高褰

悲飈

庾闡

云飛庶振折木靈景登扶搖仰聆蹙玄雲俯聽

聒悲飈

吹籟

阮卓云高風應奕節搖落漸踈林

吹霜旅鴈斷臨谷曉松吟

吟樹

孫登云飄颻楚

王宮徘徊遊行叢帶葉俱吟樹開花共舞空

拂

林唐太宗云蕭條起闕塞搖颺下蓬瀛拂林花

亂彩響谷鳥分聲

故人

杜牧之云大暑去酷吏

清風來故人

類集卷第一終